

脈義簡摩卷三

皖南建德周學海潛初甫撰輯

形象類

五藏平脈變脈

凡診脈。先須識時脈。胃脈與藏府平脈。然後及於病脈。
時脈謂春三月六部中俱帶弦。夏三月俱帶洪。秋三月
俱帶浮。冬三月俱帶沈。胃脈謂中按得之脈。見和緩。凡
人藏府胃脈既平。而又應時脈。乃無病者也。反此爲病。
脈神引樞要

肝脈來濡弱招招。如揭長竿末梢。曰平。盈

一作益
脾脈同

實而

滑。如循長竿。曰肝病急而益勁。如新張弓弦。曰肝死。



脈義簡摩卷三

皖南建德周學海潛初甫撰輯

形象類

五藏平脈變脈

凡診脈。先須識時脈。胃脈與藏府平。脈然後及於病脈。時脈謂春三月六部中俱帶弦。夏三月俱帶洪。秋三月俱帶浮。冬三月俱帶沈。胃脈謂中按得之脈。見和緩。凡人藏府胃脈既平。而又應時脈。乃無病者也。反此爲病。脈神引樞要

肝脈來濡弱招招。如揭長竿末梢。曰平。盈

一作益
脾脈同

實而

滑。如循長竿。曰肝病急而益勁。如新張弓弦。曰肝死。



心脈來累累如連珠。如循琅玕曰平。喘喘連屬其中微曲。曰心病。前曲後居。如操帶鉤曰心死。

脾脈來而和柔相離。如雞足踐地曰平。盈實而數如雞舉足曰脾病。堅銳如烏之喙。如鳥之距。如屋之漏。如水之溜曰脾死。

肺脈來厭厭聶聶。如落榆莢曰平。不上不下。巢氏無如不字

循雞羽曰肺病。如物之浮。如風吹毛曰肺死。

腎脈來喘喘累累如鉤。按之而堅曰平。如引葛按之益堅曰腎病。發如奪索。辟辟如彈石曰腎死。右平人氣象

論

肝主筋。如十二菽之重。按之與筋平。其脈如切繩爲弦。

迢迢端直而長爲長此肝平脈也。太過病在外。不及病在中。此肝氣自病。爲正邪也。餘藏倣此。若見短濇。是肺金刑爲賊邪也。見緩大。是脾土侮爲微邪也。見洪大。是心火乘爲實邪也。見沈細。是腎水救爲虛邪也。

心主血脈。如六菽之重。畧按至血脈而得者。爲浮。稍加力。脈道粗大而奕闊。爲散。此心平脈也。若見沈細。是腎水刑爲賊邪。見毛濇。是肺金侮爲微邪。見緩大。是脾土乘爲實邪。見弦急。是肝木救爲虛邪也。

脾主肌肉。如九菽之重。畧重按至肌肉。滑弱者爲緩。稍加力。脈道敦厚。爲大。此脾平脈也。若見弦急。是肝木刑爲賊邪。見沈細。是腎水侮爲微邪。見毛濇。是肺金乘爲



實邪。見洪大。是心火救。爲虛邪也。

肺主皮毛。如三菽之重。輕輕按至皮毛而得者。爲浮。稍加力。脈道不利。爲濇。不及本位。爲短。此肺平脈也。若見洪大。是心火刑。爲賊邪。見弦急。是肝木侮。爲微邪。見微細。是腎水乘。爲實邪。見緩大。是脾土救。爲虛邪也。

張石頑曰。昔人以浮濇而短。爲肺平脈。意謂多氣少血。脈不能滑也。不知獨受營氣之先營行。脈中之第一關隘。若肺不傷燥。必無短濇之理。卽感秋燥之氣。亦肺病耳。非肺氣本燥也。

腎主骨。重按至骨而得。曰沈。流利爲滑。此腎平脈也。若見緩大。是脾土刑。爲賊邪。見洪大。是心火侮。爲微邪。見

弦長是肝木乘爲實邪。見短濇是肺金救爲虛邪也。

重按至骨。不能得脈。義詳第一卷中。腎脈短濇。是爲逆象。豈得曰虛邪耶。

難經曰。從後來者爲虛邪。從前來者爲實邪。從所不勝來者爲賊邪。從所勝來者爲微邪。自病者爲正邪。假令心病。中風得之爲虛邪。傷暑得之爲正邪。飲食勞倦得之爲實邪。傷寒得之爲微邪。中溼得之爲賊邪。此以寒爲肺邪。溼爲腎邪。不過循例之詞。其實寒主腎。溼主脾。寒水凌心。其證最急。豈爲微邪。

中藏經曰。假令心病入肝。子不合傳母之逆也。病卽難差。出內照法。內經玉版要論又曰。行其所勝曰從。行所不勝曰逆。是反侮也。

平脈曰。水行乘火。金行乘木。名曰縱。火行乘水。木行



乘金。名曰橫。水行乘金。火行乘木。名曰逆。金行乘水。木行乘火。名曰順。

五運行論曰。氣有餘。則制已所勝。而侮所不勝。其不及。則已所不勝侮而乘之。已所勝輕而侮之。侮反受邪。侮而受邪。寡於畏也。王冰注曰。或以已強盛。或遇彼衰微。不度卑弱。妄行凌忽。捨己宮觀。適他鄉邦。外強中乾。邪盛真弱。寡於敬畏。由是納邪。竊謂侮反受邪者。鬱者必發。勝者必復。氣之升降。不能相無也。易曰。剝窮上反下。內經曰。亢則害。承乃制。其義一也。

又不問何部。凡弦皆肝。凡洪皆心。凡緩皆脾。凡毛皆肺。凡石皆腎也。若見於一二部。或見於一手。當隨其部位。

之生克以斷順逆。若六脈皆同。是純藏之氣。邪氣混一不分也。至於本位本證。而無本脈。又不合時。是爲脈不應病。俱爲凶兆。若見他藏之脈。是本藏氣衰。而他藏之氣乘之也。

又如火克金。必肺脈與心脈桴鼓相應。兩相互勘。自有影響可憑。且參以證。凡先見心火之證。而後有肺火之證。卽爲相克。此本藏實而傳於所勝也。若本藏虛。則所不勝乘之。靈樞五色曰。腎乘心。心先病腎爲應。色皆如是。若無心火之脈。與心火之證。或由脾胃積熱。或由肝腎相火。或是本經鬱熱。卽與心無涉。但凡此藏傳來。必有此藏之脈。與此藏之證。可考細察之。自瞭然矣。右汪石山

四時平脈變脈

黃帝曰。春脈如弦。何如而弦。岐伯曰。春脈肝也。東方木也。萬物之所以始生也。故其氣來濡弱。輕虛以滑。端直以長。故曰弦。反此者病。其氣來實而強。爲太過。病在外。不實而微。爲不及。病在中。

夏脈如鉤。何如而鉤。岐伯曰。夏脈。心也。南方火也。萬物之所以盛長也。其氣來盛去衰。故曰鉤。反此者病。其氣來盛去亦盛。爲太過。病在外。來不盛去反盛。爲不及。病在中。

秋脈如浮。何如而浮。岐伯曰。秋脈。肺也。西方金也。萬物之所以收成也。其氣來輕虛而浮。來急去散。故曰浮。反

此者病其氣來毛而中央堅兩旁虛爲太過病在外毛而微爲不及病在中。

冬脈如營何如而營岐伯曰冬脈腎也北方水也萬物之所以含藏也其氣來沈而搏故曰營反此者病其氣來如彈石爲太過病在外其去如數爲不及病在中。

脾脈獨何主岐伯曰脾者土也孤藏以灌四旁者也善者不可得見惡者可見其來如水之流爲太過病在外如鳥之喙爲不及病在中。玉機真藏論

春胃微弦曰平弦多胃少曰肝病但弦無胃曰死有胃而毛曰秋病毛甚曰今病。

夏胃微鉤曰平鉤多胃少曰心病但鉤無胃曰死有胃

而石曰冬病。石甚曰今病。

長夏胃微濡弱曰平。弱多胃少曰脾病。但弱無胃曰死。濡弱有石曰冬病。石甚曰今病。

秋胃微毛曰平。毛多胃少曰肺病。但毛無胃曰死。毛而有弦曰春病。弦甚曰今病。

冬胃微石曰平。石多胃少曰腎病。但石無胃曰死。石而有鉤曰夏病。鉤甚曰今病。平人氣象論

春言毛。夏言石者。是見勝已之脈。長夏言石。秋言弦。冬言鉤者。是見已所勝之脈。此互文以見意也。經謂脈不得胃氣者。肝不弦。腎不石也。正謂此也。本藏氣衰而他藏之氣乘之也。

脈如曰。經曰如弦。又曰微弦。則非過弦可知。通指六脈而言。非單指左關也。餘仿此。

又曰。經言春得肺脈。夏得腎脈。秋得心脈。冬得脾脈。其至皆懸絕沈瀆者。命曰逆四時。未有藏形。於春夏而脈沈瀆。秋冬而脈浮大。命曰逆四時也。夫脈與時違。無病得此。誠爲可慮。若因病至。不過難治。如秋。月病熱。脈得浮洪。乃脈證相宜。豈可斷爲必死乎。餘可類推。竊按經必曰懸絕沈瀆。又曰未有藏形。着語自有斟酌。而脈如所論。亦是實理實事。可互發也。經本玉機真藏論。懸絕者。過殊於平脈也。

未至而至。此謂太過。則薄所不勝。而乘所勝也。命曰氣



淫至而不至。此謂不及。則所勝妄行。所生受病。所不勝薄之也。命曰氣迫。何謂所勝。曰春勝長夏。長夏勝冬。冬勝夏。夏勝秋。秋勝春。六節藏象論

春不沈。夏不弦。秋不數。冬不濇。是謂四塞。沈甚。弦甚。數甚。濇甚。曰病。參見曰病。復見曰病。未去而去曰病。去而不去曰病。反者死。至真要大論

此義甚精。可見四時五藏之氣周流和同者也。如冬末水氣已動。脈當見弦。春初水氣猶在。脈仍兼沈。是也。若入春卽弦而不沈。入夏卽洪而不弦。是前藏氣弱。後藏氣強。母爲子奪矣。六節藏象曰。氣之不襲。是謂非常。非常則變矣。此之謂也。

六氣脈

冬至後得甲子。少陽王。復得甲子。陽明王。復得甲子。太陽王。復得甲子。太陰王。復得甲子。少陰王。復得甲子。厥陰王。少陽之至。乍大乍小。乍短乍長。陽明之至。浮大而短。太陽之至。洪大而長。太陰之至。緊大而長。少陰之至。緊細而微。厥陰之至。沈短而敦。難經 敦迫也。

此人身三陰三陽六經。王時也。各前三十日手經。王後三十日足經。王。其氣與春弦夏洪秋毛冬石互見。是脈之常也。脈經載扁鵲陰陽脈法。三陽則少陽而太陽陽明。三陰則少陰而太陰厥陰。與此不同。未知孰是。

厥陰之至其脈弦。少陰之至其脈鉤。太陰之至其脈沈。
少陽之至大而浮。陽明之至短而濇。太陽之至大而長。
至而和則平。至而甚則病。至而不至者病。未至而至者
病。其法。大寒至春分。厥陰風木主之。春分至小滿。少陰
君火主之。小滿至大暑。少陽相火主之。大暑至秋分。太
陰溼土主之。秋分至小雪。陽明燥金主之。小雪至大寒。
太陽寒水主之。

脈如本至真要大論

此周天三陰三陽六氣王時也。六微旨曰。至而不至
來氣不及也。未至而至。來氣有餘也。人在氣交之中。
而脈象爲之轉移。與六經王時。先後雖若不合。而與
弦洪毛石四時王脈實相貫也。

人身六經王時。因天氣而遷流者也。不應與周天六氣異候。難經詞旨。昭然無疑。至於大寒至春分。厥陰風木主之。云云。內經雖無明文。實與四時五行之序相合。言六氣者。必本於此。又靈樞陰陽繫日月。素問脈解。兩篇所敘。又各不同。殊不可曉。存之以俟知者。

胃氣脈

黃帝曰。脈見眞藏者死。何也。岐伯曰。五藏者。皆稟氣於胃。胃者五藏之本也。藏氣者。不能自致於手太陰。必因於胃。氣乃至於手太陰也。邪氣勝者。精氣衰也。故病甚者。胃氣不能與之俱至。於手太陰。故眞藏之氣獨見。獨見者。病勝藏也。故死。

素問玉機眞藏論

脈有陰陽。所謂陰者。眞藏也。見則必敗。敗必死也。所謂陽者。門腕之陽也。別於陽者。知病處也。一作別於陰者。從來知死生之期。素問陰陽別論

平人之常氣稟於胃。胃者平人之常氣也。人無胃氣曰逆。逆者死。故人以水穀爲本。人絕水穀則死。脈無胃氣亦死。所謂無胃氣者。但得眞藏脈。不得胃氣也。所謂脈不得胃氣者。肝不弦。腎不石也。素問平人氣象論

但得眞藏脈者。但弦但鉤但毛但石也。統三部言。不弦不石云者。就本藏之部言。本藏之氣見奪於他藏。他藏勝而本藏之氣敗也。然肝但弦。心但鉤。肺但毛。腎但石。亦爲逆是。未嘗不分各部也。春不弦。夏不鉤。